

楊公文景贊

祖嚴楊公諱文景，誕於辛亥孟冬，時值九州鼎革。其生逢亂世，然志若蒼松。垂髫即入塾攻書，九齡已操井臼，韶年便事煙火，弱冠未及，已立門戶。嘗賃田而耕，兼營爆竹之業，沐雨櫛風三十載，終置膏腴卅餘畝，耕田種地、造林植果，家道中興。及解放初，田疇果木悉歸集體，公順時應勢，襟懷豁達，未嘗有慍色怨言。嘗曰：『國有大政，民當共守。』公曾斥資買斷生產隊分配族人之楊家新屋部分產權，葺舊垣以存祖業，後因屋宇傾頹，率闔家節衣縮食，拆除重建磚混樓房，使棟宇煥然一新。

公性剛毅如鐵，文革之際屢遭抄家批鬥之厄而神色自若，嘗誡子孫曰：『吾勤耕苦種，自食其力，行止無愧天地，何懼魑魅魍魎？』其治家以耕讀為本，訓兒孫如嚴師，資晚輩以膏火之資。吾高中畢業赴雁城求學，臨別之際，公淚眼相送，依依不捨。此情此景，猶歷歷在目，終生難忘。公處世則宅心仁厚，遇乞者必賑，逢困者常援。嘗告勉家人『他人有難，當量力相助，克己待人。』每值桃熟橘香，輒呼鄰里共嘗；見鄉道傾

圯，必率子侄修葺。公畢生勤勞節儉，安守本分，嘗謂兒孫曰：『成由勤儉敗由奢』『讓人非我弱，守分任他強。』其言如珪如璋，傳為家訓。尤善飲而有度，細斟慢酌，未嘗醉酗。微醺輒臥床小憩，俄頃復常。嘗言：『酒者，所以通情達意，洽親睦友也，當慢飲之。』每歲元正，族中晚輩及親友詣門賀歲，必備鄉村珍饈，陳自製醪醴，執盞相勸，殷殷挽留，賓主盡歡而散。公酒德醇厚若醴泉，待客殷勤似春風，至今鄉黨親友猶津津樂道焉。

改革開放以降，公助吾父耕稼植果，複理舊業，自製爆竹，以維家計，助吾姊妹四人負笈求進。爾時，公與祖慈葉氏友珍老孺人，每制爆竹恒至雞鳴，其劬勞之影至今常縈夢寐。

公與祖慈少小同襟，琴瑟相諧，白首不渝。祖慈一生，勤儉賢良，任勞任怨，與人為善，與世無爭，為家操持，艱辛備嘗。視吾姊妹四人若掌上明珠，疼愛備至。及祖慈暮歲，偶傷髖骨，臥榻三秋。公晨昏侍奉，煎湯奉藥，晝夜罔懈，以解兒孫之憂。其情

殷殷，其意拳拳，堪稱後世之範，盡顯伉儷相恤之誼。

公至暮年，尤心系宗族，嘗策杖詣道琴府第，囑其力阻以賴屋園土地售與建廠，以備為建祠基址。爾後，道琴等不負公之重托，蕙地賴屋園，聚族眾之力，於丙申歲秋月告成建祠大業。公亦囑吾兄弟捐地捐款，以襄盛舉。嗚呼！幸蒙祖德庇佑，合族齊心，終在公之有生之年，得償宗祠重建之夙願。公雖未及親歷慶典，而功德已銘於金石。公雖耄耋之年，猶躬耕壟畝，蒔花植木以補家用，每有餘資，則修葺先祖、考妣、叔伯及昆仲之塋十餘座，皆以磚石水泥固之。其忠孝之心，昭如日月。享壽期頤又五，無疾而終。臨終之際，猶以耕讀傳家、勤勞節儉、正直修身、忠厚處世、克己待人、敦親睦族為囑。及公薨逝，吾每思公之恩德，輒泫然流涕，衣襟盡濕，常謂人曰：『祖嚴之教，如春風化雨，潤我心田；祖嚴之恩，似泰山北斗，仰之彌高。』

贊曰：公之生平，若寒梅映雪，挺立於霜天；似清泉出穀，流淌於山間。創業維艱而志愈堅，處世以寬而德自厚。其精神若北斗，光照後人；其風範如清漣，澤被桑梓。

噫！高山仰止，景行行止，雖不能至，心嚮往之。

時在

景公長孫道旭拜撰

公元二零二五年乙巳歲春月 重刊

楊明秋傳

明秋公者，字福生，任春公二房國城公裔，啟有公之孫也，民國三十七年，戊寅閏月流火之辰誕於萍鄉湘東。萍鄉地勢，自是鐘靈毓秀，湘贛通衢；湘東地貌，素承脫俗含芳，吳楚咽喉。其人懷瑾握瑜，地孕千祥之氣。髫齡即顯穎慧，斷字識文；總角已露鋒芒，循規明理。其父授以「四知」家訓，常懸白壁冰心；慈母教以「三立」箴言，早樹青雲素志。及至東發之年，恰逢家國鼎革，遂負笈萍鄉煤校，數載寒窗，探蹟索隱於地脈；五更燈火，鉤深致遠乎礦經。鐵硯磨穿，終成采冶利器；韋編絕斷，始得探勘真傳。

辛丑歲稔，持籌握算，分職韶關曲仁礦務局。鑿岩剖石，嘗履虎尾而慎終；測脈量儲，每臨深淵以兢業。身披星斗，常攜羅盤探幽壑；足踏凌霜，時持測杆量玄冥。解連環而破井巷迷局，運籌帷幄；調鼎鼐以平採掘紛爭，折沖樽俎。廿載劬勞，櫛風沐雨，終使烏金煥彩，玄玉流光。及至改革潮湧，膺命鵬城，執掌蓮塘石礦。當筭路藍縷之際，夙夜在公；處百業草創之時，宵衣旰食。立章程以振綱紀，若子產鑄刑書；施良策而增

效益，效名賈而通貨值。立安全之鐵律，如設金城湯池；創環保之新規，似布甘霖澍雨。由是口碑載道，德望日隆，遂使頑石點頭，荒丘獻寶。

戊寅榮休，未效東籬采菊；古稀創業，偏師西泠鑄章。浩然正氣，鑄金石而傳雅意；方寸乾坤，運鐵筆以寄丹心。摹秦漢印風，刀走龍蛇追籀篆；承明清遺韻，朱留斑駁見精神。更以四知銘座右，常懸明鏡鑒初心；時以三立訓兒孫，永葆冰壺存壯志。處膏腴而守清操，陋室簞食猶自得；臨利誘猶持勁節，展豪情更秉高風。暮年更添義舉，捐資助學如潤物甘霖；皓首愈顯仁心，扶危濟困似及時春雨。於家於族，於斯為盛。

贊曰：

明參日月耀千秋，石魄金魂壯志酬。

祖訓四知弘正氣，南山松柏自昂頭。

堂侄道清拜撰

公元二零二五年乙巳歲春月 重刊

瀏陽東沙韜元公六修族譜玉成

族譜重修源流長，宗親歡聚耀祖堂。

昔日先祖別離苦，拓土創業勇開疆。

祖輩榮光傳千古，家族淵源孕華章。

五湖四海尋根脈，華夏神州聚一堂。

重修族譜啟新篇，枝繁葉茂後裔強。

家族昌盛銘青史，世代傳頌功名揚。

丹青祖譜千秋旺，親情永恆歲月長。

弘農四知代代傳，福澤綿延萬世昌。

厚公裔孫 一百零二孫聖樹拜撰

公元二零二五年乙巳歲春月 重刊